



Inatsisartuni ilaasortaq Aleqa Hammond, Siumut

§ 37 naapertorlugu apeqqummut nr. 2012-024-imut akissuteqaat, London Mining tusarniaaneq

3. februar 2012
Sagsnr. 2012-060499
Dok. Nr.

Asasara Aleqa Hammond,

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: bmp@nanoq.gl
www.nanoq.gl

Aallarniutigalugu sapaatip akunnerani kingullermi § 37 naapertorlugu apeqquteqaaternut (nr. 2012-16) akissuteqaatiga innersuussutigissavara, tassani ilaatigut paasissutissiiniarluni suliniuteqarneq London Mining-ip Isuani saviminissarsiorfissamut pilersaarutaannut tunngatillugu Aatsitassanut Ikummatissanullu Pisorta qarfiup ingerlassimasaa nassuiarneqarpoq. Paasissutissiineq taanna innuttaasunut aammalu immikkut Inatsisartuni ilaasortanut sammitinneqarpoq, kingullermik 2011-imi ukiaanerani Kalaallit Nunaanni suliasat angisoorsuit periarfissaalersinnaasut pillugit isumasioqatigiinneq ingerlanneqarluni, tassanilu Isuani saviminissarsiorfissaq ilaavoq. Aamma innersuussutigissavakka London Mining Greenland A/S-ip nammineerluni 2011-imi marsimi aamma septembarimi innuttaasunik ataatsimiititsisarsimanera, aammalu Nuummi 2011-imi novembarimiit paasissutissiivittut allaffeqalersimanera, tassani kikkut tamarmik isumaqatigiissuteqaqaanngikkaluarlutik aggerlutik suliassamut pilersaarutit pillugit annertunerusumik paasi-saqarsinnaallutik.

1) London Miningip Isukasiani saviminissamik pilaalersarlutik suliniutaanut atattillugu maannaqqissaaq misissueqqaarnissaminnut nunaminertamik annertunerusumik atuinissaminnut qinnuteqarnerat tusarniutigineqarluni ingerlanneqarpoq, 21. januarimut killilerneqarsimasumik. Tusarniutigineqartumi allassimavoq "qinnuteqartoq aatsitassanik paaanissamik siunertaqarpoq". Naalakkersuisut politikkerivaat suliniutit qaleriisillugit ingerlatissallugit, tassalu misissueqqaarnissamut tunngasut aammalu paaanissamut tunngasut tusarniutigissallugit? Aammalu sooq tusarniutigineqartoq kingulleq pineqartoq nittartakkatigut tusarniutigineqarnera takussutissartaqanngitsoq?

London Mining Greenland A/S-ip misissuinissamut akuersissutaani nr. 2009/16-imi (I-sua) sumiiffiup annertusineqarnissaa pillugu tusarniaanermut allakkiami oqaatigineqarpoq, qinnuteqartoq sumiiffimmi aatsitassanik paaanissaaq anguniarlugu suliaqartoq, aammalu ingerlatassanut qinnuteqaatigineqartunut siunertaasoq tassaasoq teknikkikkut, uumassusilerinikkut pisuussutitigullu misissuinernik ingerlatsinissamut nutaanik tapertaasussanut immikkoortunik pilersitsinissaaq. Ersarissaaq aatsitassarsiorluni misissuiner-mut tamarmut kiisalu misissuinissamut tapertaasussanik tammaarsimaarfinnik at-taveqaatinillu pilersitsinissamut siunertaasoq tassaasoq aatsitassanik ujarneqartunik paaasinnaanerup anguneqarnissaa siunertarlugu suliaqartoqarniartoq. Aatsitassarsior-fiutileqatigiiffiit aatsitassanik misissuinerminni paaanissaaq siuneralugu ingerlatsinissaaq

kissaatigisimangippassuk suliaqarfimmi misissuineramik ingerlatanik aallartitsinissaq isumaqanngilluinnassagaluarpog.

Ingerlatassanik akuersissuteqarnissamut tunngatillugu, Kalaallit Nunaanni aatsitassanut tunngatillugu (ikummatissiassat pinnagit) misissuinissamut akuersissutitut atugassarititaasussani nalinginnaasuni § 7 naapertorlugu, pisinnaatitsissummik pigisaqartoq nunamik iluarsuineramik suliaqarnissamik, sanaartukkanik aalaakkaasunik pilersitsinissamik, ikkussuinissamik illuliortiternissamik assigisaannillu pilersitsinissamik, kiisalu sullulianik, torsuusalianik, majorallaffilianik il.il. pilersitsinissamik akuersissuteqarfigineqarnissamik Aatsitassanut Ikummatissanullu Pisortaqarfiimmut qinnuteqarnissamut periarfissaqarpoq.

Ingerlatassat qinnuteqaatigineqartut akuereqarsinnaanersut nalilersuineranut atatillugu ingerlatassat misissuineramik siunertaqarnissaasa qulakkeerneqarnissaa Naalakkersuisut pingaartissavaat.

London Mining Greenland A/S-ip misissuinissamut akuersissutaani nr. 2009/16-imi (Isua) sumiiffiup annertusineqarnissaanik qinnuteqaat 2012-imi januaarip 21-nut killilerlugu tusarniaassutigineqarpoq. Tusarniaaneq taanna akuersissutinik qinnuteqaatinut nalinginnaasumik pisartutut tusarniaaffigineqartartunut aalajangersimasunut, Namminersortutik Oqartussanut (Nunamut Nammineranut, Pinngortitamut Avatangiisinullu Naalakkersuisoqarfik (NNPAN) kiisalu Aalisarnermut, Piniarnermut Nunalerinernullu Naalakkersuisoqarfik (APNN)), aamma Kommuneqarfik Sermersuumut (kommuni taanna akuersissutip sumiiffigisaaniittoq), KANUKOKA-mut, Pinngortitaleriffimmut aamma Danish Center for Environment and Energy-mut (DCE) (siusinnerusukkut DMU) nassiunneqarpoq.

Misissuinissamut akuersissut imminermini sumiiffimmiinnissamut akuersissutaavoq aammalu ukiuni tallimani sumiiffimmi kisermaassisinnaatitaanermik qularnaarisuulluni. Akuersissut taamaallaat ujarassiornikkut sakkunik tigummiannartakkanik atorluni misissuineramik annikitsuinnarnik suliaqarnissamut periarfissiivoq. Pisinnaatitsissummik pigisaqartoq qillerinissamik, qaarterinissamik, qamutitik motorilinnik atuinissamik, nunami iluarsinissamik aammalu ineqarfissanik atotorissaarutitik sanaartornissamik il.il. kissaateqalerniarpat, immikkut akuersissuteqarnissamik oqartussaasunut qinnuteqaateqartoqartussaavoq.

Ingerlatassanik akuersissuteqarnissamik qinnuteqaat taamatuttaaq tusarniaaffigineqartartunut matuma siuliani taaneqartunut nassiunneqassaaq. Taamaattorli ingerlatassanut tunngatillugu qinnuteqaammi uani pineqartumi 7. marts killilerneqartumi ingerlatassat annertussusaat annertooujussuummata isumaqarpunga tusarniaanermut najoqqutassat tamanut ammasumik tusarniaassutigineqarnissaat pisariaqartoq, taamaalilluni oqallinneq sapinngisamik atituumik sukumiisumillu ingerlanneqarsinnaaniassammat.

Misissuinissamut akuersissummi nr. 2009/16-imi (Isua) sumiiffiup annertusineqarnissaa pillugu tusarniaanermut tunngatillugu, tassani pisortat ingerlatsineranni pitsaasumik ingerlatsinissamut malittarisassat nalinginnaasut malinneqarput. Kisiannili tamatuma kingorna sumiiffiup akuersissuteqarfigineqartussap tamanut ammasumik tusarniaassutigineqarnissaa kissaatigineqarmat, tamanna Nanoq-imi tusarniaanermut nittartakkami 23. januar saqqummersinneqarpoq. London Mining Greenland A/S-ip misissuinissamut a-

kuersissummi nr. 2009/16-imi (Isua) sumiiffiup annertusineqarnissaanik qinnuteqaammut oqaaseqaateqarnissamut piffissamut killiliussaq maannakkut tassaavoq ulloq 7. marts 2012, taannalu sumiiffimmi annertusineqarsimasinnaasumi ingerlatassat pillugit qinnuteqaammut tusarniaanermut piffissamut killiliussap assigaa.

2) Naalackersuisut pilersaarutigivaat nunaminertaq tuttu piaqqiorfigisaat misissueqqissaarnissamut atugassiillutik akuersissutigissallugu, taamaassimappallu innuttaasut taanna pillugu isummersortikkumallugit ataatsimiititsinerit tusarniaanerillu ingerlatilersaarneqarpat?

Sumiiffiup misissuinissamut akuersissutip alliliissutissaatut qinnuteqaataasup avannarpasinneraani 5 km² missaannik annertussuseqartoq aamma kujasinnerusortaani Isukasiani sumiiffik piaqqisarfiusoq annertoorsuaq annikitsumik qalleraapput. Pisinnaatississummik pigisaqartoq piffissami 30. majimiit 20. juunimut sumiiffiup piaqqisarfiup iluani ingerlataqarnissamut Aatsitassanut Ikummatissanullu Pisortaqarfimmut akuersissuteqarfigineqarnissamik qinnuteqaqqaartussaavoq. Ingerlatassatut qinnuteqaatigineqartut akuersissuteqarfigineqarnissaannut tamatuma avatangiisitigut illersorneqarsinnaasumik ingerlanneqarnissaa piunasaqaataavoq. Nalilersuinerimut tassunga ikiortissatut DCE Pinngortitaleriffimik suleqateqartussaav atavangisiinut tunngatillugu siunnersortitut avataaneersutut atorneqassaaq.

DCE-p aamma Pinngortitaleriffiup ilisimatitsissutigaa misissuinerit kingulliit takutikkaat tuttu ukiuni makkunani siusinnerusukku ilimagisanut naleqqiullugu sumiiffinni piaqqisarfiusuni aalajangersimasuniinnginnerusartut. Piaqqinerit sumiiffimmi tamangajalluinnarmi pisalersimapput. Taamaattorli sumiiffinni, sumiiffiit uumasunut pingaaruteqartut pillugit nunap assingani matuma kingulianiittumi takuneqarsinnaasuni avannaannilu, sumiiffimmi Isuani peqarfiup avannaaniittumi, tatsip Tasersuup kitaani kiisalu Ilulialimmi, tuttu piaqqisut amerlasoorsuusut paasinarpoq.



Sumiiffik piaqqisarfiusoq sumiiffiit uumasunut pingaarutillit pillugit nunap assingini Aatsitassanut Ikummatissanullu Pisorta qarfiup katersaanni allassimasoq. (<http://dmugisweb.dmu.dk/rdimportantareas/>)

Aatsitassanut ikummatissanullu inatsimmi § 76 inuiaqatigiinni piujuartussamik iluaqutaasunik sunniutaasussanut tunngasoq malillugu pisinnaatitsissummik pigisaqartup misisuinermit piiaanermut ikaarsaarnissamik pilersaaruteqartup, piiaanissamut akuersisummik qinnuteqarnissamik tungaanut, ingerlatassatut qinnuteqaataasut ingerlanneqarneranni siunissamilu ungasinnerusumi aatsitassarsiorfinnik ingerlatsinikkut piiaanissaa sinnaasumi sumiiffimmi attaveqaatinik assartuinemillu ilaqtumi sunniutaasussat tamarmik qulaajarneqarnissaannut, ukiuni arlalialunni innuttaasut peqataatinnessaat isumagisussaavaa. Tassani soorunami aamma tutunut aammalu aallaaniarnissamut periarfissanut sunniutaasussat pineqarput. London Mining Greenland A/S ukiuni kingulliu nerusuni avatangiisinut pissutsinut paasissutissanik katersisimavoq, soqutigisaqartunik ataatsimeeqateqarnernik arlalinnik ingerlatsisimalluni aammalu innuttaasunik ataatsimii tisinerni suliaasanut pilersaarutit pillugit ilisimatitsisarsimalluni, taakkunani ilaatigut tuttu pillugit oqallittoqartarsimalluni. Naalakkersuisut aamma 2012-imi upernaap ingerlanerani

suliassamut pilersaarutit pillugit innuttaasunik ataatsimiititsinissamut qaaqqusinissamik pilersaaruteqarput.

3) Saviminissamik misissueqqissaarnissaq pillugu tusarniaaneq ingerlanneqartoq 21. januarimut killilerneqarsimasoq ingerlanneqarnerata nalaani nittartakkatigut tusarniutigineqarsinnaannginneranik suna nassuiaatissaava, aammalu sulii taanna tusarniaavigineqarluni sulii naammassinngitsoq allamik tusarniummik ingerlatsisoqarpoq martsip 7-anut killilerneqarsimasumik tassalu saviminissamik paaasamaarnermik siunertaqartumik pissarsiareersimaneraaneq oqaasertaliunneqarsimavoq taassumalu qinnutigaa tusarniutigalugu 40 km aqqusinniornissaq, mit-tarfiliornissaq, campsiliornissaq pingasunik tamarmik 50-init inigineqarsinnaasut, kuuk ikaarlugu ikaartarfiliisaq 110 meteriusoq. Naalackersuisut ilisimavaat misis-sueqqaarnissamut suliaq sulii tusarniutigineqarnerani allamik tusarniuteqartoqar-toq akuersissummik pissarsiarinnereersimasutut taaneqartumik?

Nanoq-mi tusarniaanermut nittartakkami ingerlatassanut qinnuteqaammut 7. marts pif-fissamut killeqartinneqartumut tunngatillugu ilisimatitsissutigineqarpoq, ingerlatassat London Mining Greenland A/S-ip misissuinissamut akuersissutaata nr. 2009/16-ip (Isua) ataani ingerlanneqartussatut qinnuteqaatigineqartut. Quppernerup naggataani nas-suiaammi ilisimatitsissutigineqarpoq " *) London Mining Greenland A/S misissueqqaar-nissamut akuersissutaasoq nr. 2009/16 annertusiniarlugu qinnuteqarpoq, tamatumuuna-lu suliassatut qinnuteqaatigineqartut aallartikkusunneqarlutik. Akuersissummi misis-sueqqaarfissap annertusinissaanik qinnuteqaat maannakkut suliarineqarpoq, taamatullu naalackersuinikkut maannamut akuerineqarsimanani. Suliassatut qinnuteqaatit aallar-tinneqassappata misissueqqaarnissamut akuersissummi nr. 2009/16-imi misissuiffissa-tut akuerineqartup annertusinissaa naalackersuinikkut akuereqqaartariaqarpoq.". Taa-maalilluta misissuinissamut akuersissummi nr. 2009/16-imi sumiiffiup annertusineqar-nissaa sulii akuersissuteqarfigineqanngitsoq soorunami ilisimavarput.

Aammattaarli erseqqissarusuppara qinnuteqaammut najoqqutassani "landing area" taa-neqartoq tassaangimmat timmisartunut mittarfissaq, kisiannili Taserarssummi kanger-liumanermut tulaassuisarfissaq pineqarluni, tassani qamutit motoorillit atortussallu pram-imit nunamut tulaanneqartassallutik.

Inussiarnersumik inuulluaqqusillunga
Inuussutissarsiornermut Aatsitassanullu Naalackersuisoq



Ove Karl Berthelsen